



5. juli 2010

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

Apeqqut: Naalakkersuisut Nuussuaq-mi Upernaviup eqqaani Upernavik Seafood A/S-ip tunitsiviliorinissaa 2010 juunip naaneranut periarfissinnikuuaat? Massakkut periarfissiineq tamanna qaangerneqarmat Naalakkersuisut qanoq iliuseqarniarpat? Tunitsiviliiniartut allat soorlu umiarsuarmik tunitsiviliinikkut periarfissinniarpaat?

(Inatsisartuni ilaasortat Finn Karlsen, Siverth K. Heilmann, Knud Kristiansen, ATASSUT)

Tungavilersuut:

Nuussuaq-mi aalisartut aasaanerani tunitsiveqarnikkut periarfissaqanngillat, naak upernaanerani aasallu ulluini ukiup sinneranut ileqqaarnissaminnik aalisarnikkut periarfissaqarluaraluartut, maannakkut tunitsiviliarineqartup piffissaatillugu aasaatillugulu naammassineqarsinnaanera ilimagineqarsinnaanngimmat aalisartut periarfissamik mattuteqqaneqarput, taamaasilluni ilaqutariippassuit aningaasarsiornerat inuuniarnerallu ilungersunartorujussuarmik eqqorlugit, tamannalu ukiup sinneranut annertuumik inuuniarnikkut sunniuteqartussanngorpoq.

Inussiarnersumik inuulluaqqusilluta

ATASSUT sinnerlugu Inatsisartuni ilaasortat